



Viðskiptafræði með vinnu

Taktu skref fram á við • Sameinaðu nám og vinnu

www.vmv.hi.is



HÁSKÓLI ÍSLANDS
VIÐSKIPTAFRÆÐI MEÐ VINNU

Viðskiptafræði með vinnu – VMV

Viðskiptafræðideild Háskóla Íslands býður upp á fjölbreytt nám í viðskiptafræði utan hefðbundins vinnutíma. Námið er sérstaklega sniðið að þörfum þeirra sem vilja leggja stund á háskólanám með vinnu. Boðið er upp á fjölda stakra námskeiða í viðskiptafræði sem og þrjár stuttar námsbrautir (36 ECTS-einingar). Þeir sem sækjast eftir BS-gráðu eða 60/120 einingum í viðskiptafræði geta fengið námskeið metin sem hluta af grunnnámi háskólastigsins.

Námsbrautirnar sem boðið er upp á eru:

Stjórnun markaðsmála
Stjórnun og stefnumótun
Reikningshald og fjármál

Á hverri námsbraut eru kennd sex námskeið á tveimur misserum og jafngildir hvert námskeið 6 ECTS-einingum.

FYRIR HVERJA ER VMV?

- Fyrir þá sem vilja taka stök námskeið í viðskiptafræði sér til endurmenntunar
- Fólk á atvinnumarkaði sem vill sérhæfa sig á ákveðnu sviði viðskiptafræðinnar (stuttar 36 eininga námsbrautir)
- Fólk á vinnumarkaði sem vill ljúka BS-gráðu eða 60/120 einingum í viðskiptafræði frá Háskóla Íslands
- Nemendur sem vantar grunn fyrir framhaldsnám í viðskiptafræði
- Nemendur í grunnnámi í viðskiptafræði sem vilja flýta fyrir námi

FYRIRKOMULAG NÁMSKEIÐA

Hvert námskeið er kennt á 5 vikna tímabili og lýkur með prófi og/eða verkefni áður en næsta námskeið hefst. Nemendur sækja tíma 2–3 sinnum í viku og fer kennsla fram utan hefðbundins vinnutíma á virkum dögum og laugardögum.

Nemendahópar í VMV eru tiltölulega fámennir og býður það upp á gott aðgengi að kennurum og tengslin milli nemenda verða meiri. Nemendur eru oft og tíðum með mikla og fjölbreytta reynslu af atvinnumarkaði sem skapar mikilvæga dýpt í umræðum í kennslustundum.

STYRKTU STÖÐU ÞÍNA



Fjölbreytt námsframboð í viðskiptafræði

HAUSTMISSERI		
Lota 1 ágúst – október	Lota 2 október – nóvember	Lota 3 nóvember – desember
Vinnulag og aðferðafræði	● Inngangur að stjórnun	● Inngangur að fjárhagsbókhalddi
● Inngangur að markaðsfræði	● Rekstrarhagfræði I	● Stjórnun og skipulagsheildir
● Rekstrarbókhalddi	Utanríkisverslun (e)	Þjóðhagfræði I
● Vinnumarkaðurinn og þróun hans	Tjáning og samskipti (e)	● Markaðsáætlanagerð (e)
	● Vörumerkjastjórnun	

Öll námskeið sem boðið er upp á í VMV eru metin til BS-gráðu í viðskiptafræði, þau námskeið sem einnig tilheyra styttri námsbrautum eru merkt sérstaklega.

VORMISSERI		
Lota 4 janúar – febrúar	Lota 5 febrúar – mars	Lota 6 mars – maí
Stærðfræði A	UI-tölvunotkun	Lögfræði A
Tölfræði A	● Fjármál I	● Markaðsfærsla þjónustu
● Inngangur að mannauðsstjórnun	Rekstrarstjórnun	● Fjármál II
● Markaðsrannsóknir	● Viðskipti og alþjóðasamsk. (e)	● Verkefnastjórnun
● Reikningskil	● Stefnumótun fyrirtækja	Tölfræði B

- Námsbraut í stjórnun markaðsmála
- Námsbraut í stjórnun og stefnumótun
- Námsbraut í reikningshaldi og fjármálum

(e) enska

Námsbraut í stjórnun markaðsmála 36 ein.

Færni í markaðsfræði er lykilatriði í nútíma rekstri og aukin krafa er gerð um að allir starfsmenn fyrirtækja taki virkan þátt í markaðsstarfinu. Markmið námsbrautarinnar er að nemendur öðlist góðan skilning á þeim sérstöku viðfangsefnum er snúa að greiningu, stefnumörkun, útfærslu og eftirfylgni faglegs markaðsstarfs. Enn fremur að nemendur fái innsýn í þau fjölbreyttu viðfangsefni sem tengjast undirbúningi og framkvæmd markaðsstefnu og markaðsaðgerða. Að loknu námi eiga nemendur að:

- Þekkja helstu hugtök og aðferðir markaðsfræðinnar
- Geta framkvæmt, unnið með og túlkað niðurstöður markaðsrannsóknna
- Kunna skil á helstu aðferðum við að byggja upp virði vörumerkja
- Kunna að undirbúa og skipuleggja kynningaráætlanir
- Geta undirbúið, skipulagt og metið árangur markaðsstarfs

Styrktu stöðu þína á markaði og náðu árangri á sviði markaðsmála

Námsbraut í stjórnun og stefnumótun 36 ein.

Hæfni á sviði stjórnunar og stefnumótunar er nauðsynlegt veganesti í öllum rekstri. Námsbrautin leggur grunn að hæfni nemenda, að þeir öðlist almenna þekkingu og kynnist nýjustu strauum á sviði stjórnunar og stefnumótunar. Einnig miðar námsbrautin að því að nemendur nái tökum á aðferðum og úrræðum á sviði stjórnunar og geti beitt þeim við lausn raunverkefna. Námskeiðin eru öll sniðin að því takmarki að búa nemendur undir að taka að sér ábyrgðarstörf á sviði stjórnunar og stefnumótunar. Að loknu námi eiga nemendur að:

- Þekkja til kenninga stjórnunar
- Geta greint og mótað stefnu fyrirtækis
- Þekkja vel til mannauðs og mikilvægis menningar
- Geta með gagnrýnum hætti rýnt í skipulag fyrirtækja
- Hafa tileinkað sér vinnulag verkefnastjórnunar

Taktu þér stöðu og skapaðu þér forsendur til að taka virkan þátt í framtíðinni

Námsbraut í reikningshaldi og fjármálum 36 ein.

Aukin fjármálavitund á öllum sviðum atvinnulífs er sífellt mikilvægari hornsteinn velgengni. Markmiðið með þessari námsbraut er að veita nemendum innsýn í og skilning á fjárhagslegum þáttum í rekstri fyrirtækja, samspili þeirra og utanumhaldi. Einnig að gera nemendur færa um að taka þátt í gerð rekstrar- og fjárhagsáætlunar og að hafa eftirlit með framkvæmd hennar. Að náminu loknu eiga nemendur að:

- Þekkja og skilja hvernig mismunandi kostnaður verður til
- Þekkja og skilja samspil tekna og kostnaðar
- Kunna og framkvæma núllpunktsgreiningu
- Skilja muninn á rekstrarbókhalddi og fjárhagsbókhalddi og tengslunum þar á milli
- Geta lesið og túlkað ársreikninga

Náðu forskoti með því að átta þig betur á afkomu einstakra þátta í starfseminni og hvernig rekstur viðkomandi eininga þróast



Gæði og gott orðspor

Nám í viðskiptafræði í Háskóla Íslands er þekkt fyrir gæði og hefur á sér gott orðspor. Námið veitir nemendum góða fræðilega undirstöðu, ýtir undir skapandi hugmyndir og öguð vinnubrögð. Innan Viðskiptafræðideildar er lagður mikill metnaður í að menntun nemenda, sem útskrifast frá deildinni, njóti trausts og hafi á sér öruggan gæðastimpil.

Ásta Birna O. Björnsdóttir

Verkefnastjóri hjá Vogabæ/eigandi og stjórnarformaður Igloo ehf.



„Mín fyrstu viðbrögð og kynni af Háskólanum voru þau að ég hálfpartinn ætlaði að bakka út úr byggingunni. Mér fannst umhverfið og í raun hugmyndin um námið sjálf vera eitthvað svo stórt og að ég ætti ekkert erindi í nám á háskólastigi. Í ljós kom að besta ákvörðun á minni starfsævi var tekin á sekúndubroti á miðju Háskólatorgi, sem var að gefa náminu, og mér um leið, tækifæri. Tækifæri til þess að láta á reyna, taka eitt VMV námskeið og sjá hvert það myndi leiða mig. Sú ákvörðun mun skila mér BS-gráðu í viðskiptafræði vorið 2016 og hefur nú þegar stutt mig í að stofna mitt eigið fyrirtæki sem ég rek samhliða náminu og vinnu. VMV námið hefur því reynst mér ómetanlegt, bæði hvað varðar aukið sjálfstraust sem og stuðning frá samfélaginu sem skólinn er. Kennarar og nemendur hafa á þessum árum skapað með mér ógleymanlegar minningar og tengingar sem munu nýtast mér um ókomna framtíð.“

Jón Kjartan Kristinsson

Sölustjóri hjá Smith & Norland



„VMV námið er mjög krefjandi en um leið áhugavert og skemmtilegt. Öll námskeið eru vel skipulögð og hentar lotukerfið mér persónulega mjög vel. Ég mæli með þessu námi fyrir alla sem vilja bæta við sig hagnýtri þekkingu, auka sjálfstraustið og hæfni í starfi.“

María Guðmundsdóttir

Forstöðumaður einstaklingsráðgjafar Sjóvár



„Ég hef alltaf gengið með viðskiptafræðinginn í maganum en háskólanámið sat á hakanum hjá mér, þangað til ég frétti af VMV náminu í HÍ. Ég er í mjög krefjandi starfi og hefur námið gefið mér heilmikinn styrk og sjálfstraust sem ég nýti á hverjum degi í vinnunni. Fyrirkomulagið sem HÍ býður upp á hvetur fólk eins og mig til að stunda nám með vinnu og þannig ná sér í háskólamenntun. Það sem ég tek með mér í lok dags er skemmtileg fög, vandaðir kennarar og frábær félagsskapur.“

**BÆTTU ÞEKkingU ÞÍNA
OG FÆRNI**



UMSÓKNIR

Inntökuskilyrði er stúdentspróf. Þeir sem hafa ekki stúdentspróf geta sótt um inngöngu samkvæmt undanþágureglum skólans.

Nemendur greiða hefðbundið skrásetningargjald í Háskóla Íslands auk þess sem greitt er fyrir hvert námskeið.

UMSÓKNARFRESTUR ER TIL 5. JÚNÍ

Umsóknir sem berast eftir að umsóknarfresti lýkur eru samþykktar ef pláss leyfir. Hægt er að sækja um og hefja nám allt árið um kring. Allar upplýsingar um umsóknarferlið og námið má finna á www.vmv.hi.is.